

K296.1

100

(490:1)

K296. 1

124

(457:2)

中國方志叢書·華北地方·第四五七號

據

清·潘守廉修，張嘉謀纂  
清光緒三十年刊本

影印

河南省

南陽縣志

(二)

成文出版社有限公司印行

南陽縣志卷

學校

南陽有學舊矣吳樹言宛爲大都士之淵藪郁郁乎盛

哉崔子玉有南陽文學官志其遺風猶可想見焉崔瑗

文學頃曰昔聖人制禮樂也將以純天理物經國序民

立均出度因其利而利之俾不失其性也故觀禮則體

以和聲探言於聖以成謀以和其性而正其身焉取律於天

旅以悅遠人其觀威儀省禍福也出言視聽於是子取

之民生如何導以禮樂乃修禮官奎其言禮聽於是子取

我俗既敦神樂民則嘉生乃繁無言不酬其德宜光先

其形張衡南陽文學儒林書贊曰南陽太守上黨鮑君

肅之儀揚濟濟之化按後漢書崔瑗傳瑗著南陽文  
學官志稱於後世諸能爲文者皆自以弗及今所傳乃  
有易系志

願而非志又張衡南陽文學儒林書贊通志所載無  
書字贊中懷字作慨今皆不能定贊亦疑有闕略

今

制州縣皆有學而南陽縣之有夫子廟實建自元其興  
葺既詳見壇廟中蓋自唐宋以來學與廟合廟雖以祀  
孔子而學之制幾同虛設故或博士倚席不講諸生至  
經歲不詣橫舍豈聖王設教之初意哉至書院義學皆  
今學者所有事也子夏曰百工居肆以成其事君子學  
以致其道學之廢則子衿佻達詩人譏焉古者聖王處  
士必使士處閒燕不見異物而遷故教易成學易就也  
今志學校卽附貢舉表於後蓋所以勵學士示齊民亦  
以備一王之制云爾

府學在縣治東北詳府志

縣學在縣治東大抵因元明舊制學中爲大成殿翼以兩廡殿後爲啟聖祠左爲明倫堂殿前爲戟門門外爲泮池名宦鄉賢忠義孝弟祠皆在池之側其兩偏爲齋舍學官宅焉祭器書籍皆有庫射圃在殿西其外爲周垣立石門外止輿馬闌入者自殿至門與葺詳建置殿中祀至聖先聖孔子四配侍坐皆爲像先賢先儒從祀位次及欽頒碑贊匾額悉如定制先是明中葉以縣附郭祀事闕然不舉者二十年春秋祀屆期官若士咸就府學謁焉嘉靖末知縣彭繼祖上其事請南陽縣得

祀孔廟如他縣學萬厯三年知縣程遜復申定祭儀體

制始備有教諭宋昂記

國朝道光中知縣徐城教諭葉知幾

又新從祀木主漆書之其後或失察亂位易次不遵同

治中定制而陸續增祀者或無主光緒二十六年始爲

釐正其序今故略依廣西通志例錄之以備考

至聖先師孔子位大成殿正中南向四配顏子子思

西向曾子孟子東向十二哲閔子損冉子雍端木

子賜仲子由卜子商有子若西向冉子耕宰子予

冉子求言子偃顓孫子師朱子熹東向皆在東廡殿上

先賢公孫僑林放原憲南宮适商瞿漆雕開司馬

耕梁鱣冉孺伯虔冉季漆雕徒父漆雕哆公  
任不齊公良孺公肩定鄭單罕父黑榮旂左人郢  
鄭國原亢廉潔叔仲會公西輿如邾巽陳亢琴張  
步叔乘秦非顏噲顏何縣亶牧皮樂正克萬章周  
敦頤程顥邵雍先儒公羊高伏勝毛亨孔安國后  
蒼許慎鄭元范甯陸賁范仲淹歐陽修司馬光謝  
良佐羅從彥李綱張栻陸九淵陳淳真德秀何基  
文天祥趙復金履祥陳澧方孝孺薛瑄胡居仁羅  
欽順呂柟劉宗周孫奇逢張履祥陸隴其張伯行  
俱西向西廡先賢遽瑗澹臺滅明宓不齊公冶長

公哲哀高柴樊須商畢巫馬施顏辛曹卹公孫龍  
秦商顏高壤駟赤石作蜀公夏首后處奚容蒧顏  
祖句井疆秦祖縣成蕪伋樂欬狄黑孔忠公西蒧  
顏之僕施之常申棖左邱明秦冉公明儀公都子  
公孫丑張載程頤先儒穀梁赤高堂生董仲舒毛  
萇杜子春諸葛亮王通韓愈胡瑗韓琦楊時尹焞  
游酢胡安國李侗呂祖謙袁燾黃幹輔廣蔡沈魏  
了翁王柏陸秀夫許衡吳澄許謙曹端陳獻章蔡  
清王守仁呂坤黃道周陸世儀湯斌俱東向崇聖  
祠祀肇聖王木金父公裕聖王祈父公詒聖王防

叔公昌聖王叔梁公東配先賢孟皮顏無繇孔鯉

西配先賢曾皙孟孫澈東廡先儒周輔成程珦蔡

元定西廡先儒張廸朱松

按今崇聖祠無兩廡從祀先儒均位祠中

禮器如定制樂器舊無考 國朝康熙二十八年定府

縣學廟祀樂器舊志詳載之然實未置同治十二年知

府劉拱宸始購製諸器聘習樂舞遵乾隆中所頒定制

以教諸生會拱宸卒不復行今已半佚矣

學田明千畝

有知縣程遜守道黃緯記

國初荒除今存田五十五

畝知縣張維翰所置也

書籍舊有

欽頒諸書今亡矣

學官有教諭一人訓導一人舊志每昕夕教諭坐於堂上鳴鼓諸生齊集已乃退就訓導訓導進諸生於齋日誦讀焉浹旬必三試每朔望祭先師畢則宣講聖諭以教誡之月有課季有考年終則總其優劣以報於學政凡諸生無故不得擅離有事以請而假其期過則有罰乾隆以來學政稍寬諸生或經歲無考課惟學官始至傳見及會丁祭而已道光末教諭葉知幾嘗召諸生親爲講解諸生翕然稱得師云

學額每歲科試取附學生員十六人廩膳生員額二十人增廣生員如廩膳滿二歲貢一人遇覃恩加貢一

人每十二年拔貢一人

康熙中定爲十二年拔貢一次雍正五年改爲六年以卯酉爲

期乾隆五年仍復十二年之制以武學生額如附學生

酉年爲期府學生拔貢者詳府志之數每試撥府曰府學生無額其膺特舉者曰制科無

定年樂舞生額四十人

縣試每前期集應試童生於域中清釐籍貫區別流品

既具結始入試臨試日吏持簿唱名魚貫入試事如定

制三四覆乃定其甲乙而送之府自嘉慶以來文章童應

試者衆幾二千人試院湫隘不能容同治中大修試院

規模嚴整諸弊亦稍稍革矣其試院府縣共之咸豐同

治中軍興試或不以時事平復舊光緒二十七年詔

停武試又因地方誤傷洋人停縣試五年初士子習舉業者率恪守傳注不以華博相尚嘉慶中督學使者鮑桂星按試臨發落時手選程文授諸生令歸誦習且曰來歲試不如式當奏停三科來歲試果大進當時命題率用割截蓋欲以倉猝瞻所學然自是縣士務爲通博而巧纖滅裂之弊滋多矣同治中知府劉拱宸思拯其弊時舉功令訓敕之近更奉詔改用經義策論試士士頗知嚮學云

鄉飲酒禮舊率歲一舉行先期舉賓介至日迎送獻酬皆如儀道光後以賓介難其人禮久不行惟賓興三年

一舉過 恩科再舉每舉爲彩陽於縣署前知縣延諸  
生堂上飲而餞之舊有賓興田二百畝歲租六十金爲  
鄉會試資

南陽有書院自元始初元皇慶元年河南平章何瑋建  
諸葛書院於卧龍岡奏置山長一人掌其教而請敕賜

碑與額

元程鉅夫南陽諸葛書院碑云皇帝卽位之四年冬十有二月集賢大學士臣顯言臣幸待罪

班行在帝左右位崇智下無以仰答聖明有能推尊聖  
人之道表章大賢之業作興民俗敷弘治化者此真臣  
人之職而之上之所宜聞也臣謹案南陽城西五里有岡  
阜隆然隱起曰卧龍岡有井淵然渟深曰諸葛井者相  
傳漢相忠武侯故居民歲祀之巫覡雜糅薦獻無節黷  
禮慢賢君子病之至大初故河南行省平章政事何瑋  
行農至郡率官吏耆老長代議祠下蠲膳裴回懷然興懷  
謂守臣史矩曰孔明三代而下一人而已武昌相去千

有餘里猶建廟學而尊祀之況其所治處也哉出步祠  
東得隙地焉只是足以建廟學矣遂議烜烜下邑主簿  
趙守謙董其役廼合僚吏祿入之嘉以備儻相山之有  
良木石而隸於官者以具材審制度地與設官養土之  
宜上於省以聞報可至大二年春卽工大修候廟而加  
廣焉廟之東爲孔子廟廟之後爲學凡堂序門廡庖湔  
庫庖肄業之齋庖書之閣官守之舍咸備屋以間計祠  
有十二廟學四十有六端壯廣直不務侈麗皇慶元年  
秋落成割官之廢地四十頃籍于學置山長一人掌其  
教訖功且再歲矣廟學之顏麗牲之碑惟陛下幸焉卽  
日下中書平章政事秦國公孟與翰林集議臣孟等言  
夫子廟宜因舊制殿曰大成之殿門曰大成之門侯之  
祠宜曰武侯之祠侯曰非潛泊無以明志非學無以廣  
材非靜無以成學學爲武侯作也宜以講堂爲靜成之  
堂東序爲兩志之齋正序爲廣材之齋西序以貢羣書  
也宜曰崇文之閣合名之曰諸葛書院制曰可以命翰  
林學士承旨賡書之翰林學士承旨鉅夫爲碑文晉篆  
并以付賡臣鉅夫竊謂周道旣衰孔子作春秋幾廢先  
君臣之法定曹操篡竊羣雄並起而爭之春秋幾廢先  
主揭大義發大號再造劉氏侯首稱漢賊不兩立王業

不偏安間關百折期復漢祚春秋之義煥然復明至今  
三尺之童猶知越曹而帝漢者侯之功也傳曰有功於  
民則祀之侯之功萬世之功也其祀侯之功也傳曰有  
宜嗚呼我朝聖祖神孫武定文承薄海內外罔不臣妾  
諸學子以及有位之人師聖人之道仰大賢之業夙興  
夜寐可不思廟學之所以建聖天子之所以命豈徒誇  
前人聳後觀哉所以教天下之爲君臣之道也桓世有  
勤伐今守饒州守訓以供奉翰林云詩曰維皇上帝降衷  
於民惟皇作極以君以臣以子風詩曰維皇上帝降衷  
秋衰善黜惡漢有天下擬建舜禹厥德既衰冠履易處  
不有先主孰共大綱不有武侯春秋以亡河漢之間南  
陽之郭盤盤卧龍惟侯之宅山紫川絡霧縹霞舒尚相  
君王顧彼草廬惟侯之學伯仲伊呂惟侯之忠光我漢  
祖躬耕之憂廊廟是蹈義信志誠四海其悼學廟之設  
惟侯之恩天子之錫惟侯之義其後明成化十年知府  
高景行君子所斯永作巨軌

段堅又建志學書院於城西聚軍民子弟五百人於其  
中舉內鄉柴昇等五人爲之師堅又時出所學以教其

不及段堅而造寺者甚多書在碑誌書三舊梵宇也在南陽  
之數居之壬辰秋七月堅奉命來守其土以爲教化者守  
之急務暇中呼耆老而告之曰男女之教子第往復俾年少  
名爲僧爲尼者能亡情於男女之教子第往復俾年少  
而皆有夫以遂室家之好則無不可否則吾將持之以  
法旬日之間果于吾言無所持而室廬皆空矣于是悉  
撤其舊而更新之增置八十楹有言一小學及刊註古  
文孝經實以軍民俊秀子弟近五百人俾朝夕誦習焉  
又取學而正者五人以專訓誨于臨街之署榜曰書院  
次曰大成之殿肖吾夫子像于中四配十哲東西列歲  
兩釋奠司教者主其事次日立德堂訓憲陳公選之題  
首以申伯第列國漢晉隋唐宋有仁賢君子之言于斯  
生于斯者歲以年系二觀之于以觀後生小子有所觀  
感興起也又次日志學鳴呼任尹顏淵大賢也伊尹耻  
其君不爲堯舜一夫不得其所若撻於市顏淵不遷怒  
不貳過三不違仁蓋欲諸士子志伊尹之所志學顏  
子之學一出也一處也一窮也一達也而樂而仕皆  
在乎道焉故志非此則必以發策決科榮身肥家希事

取寵爲事而志非志矣學非此則必以廣聞見工文辭  
非敬不能慕空寂爲事而學非學矣然欲學伊尹顏子而  
嚴肅曰其心收斂曰一心主宰曰萬事本根曰常惺惺  
法欲諸士子心一乎敬無時無處無往而不用其力則  
涵養本源以爲大學之基本進德修業而收小學之成  
功庶幾顏學可學伊志可志不爲流俗之所染不爲利  
勢之所移而變化氣質之不難矣齋之近東而又贅石  
開井井覆以亭其泉寒冽汲水以車雜植花木草樹生  
意藹然曰庭草交翠又次東鑿方塘蓄蓮數本曰獨愛  
蓋皆取元公庭前草不除與自家意思一般及予獨愛  
蓮之說欲諸君有以識取先生之襟次也齋之近西有  
竹百千竿清森可愛復題曰清風高節學者暇遊於此  
凜乎歲寒之操窮冬大雪而不渝也士子果能人人有  
得于此庶幾有以盡人之理而人之名爲不負聖賢可  
學而至焉異端距楊墨爲聖人之徒望于是院之作不  
爲徒然矣因書以誌之 唐成王志學書院詩人心渾  
已久異說戕吾真至理豈蒙昧類俗成因循哉賢太  
守憫惻情何勤政首定民志教數先人倫城西古梵剎  
煥作學宮新罷黜彼夷教陶我多儒紳懿訓謹詩禮雅